

春融堂集

總序

天下豪傑奇儁之士代不乏人要必有一二鉅儒以

之宗夫奇傑之士材藝角出行能殊別各不相下各才其前
豈其性情之有異歟抑其材力之有偏歟蓋勤心學問殫精
畢慮而卒專門名家以其業自見于天下固亦卓然自立不
隨流俗之人也而所謂一二鉅儒者包孕富有博大醇懿恢
恢然莫窺其涯涘渾渾然莫窮其底蘊也海內一材一藝之
士欲彷彿其形似而卒不能得卽出生平憔悴專一之業以
相較而亦不能逮也是非天生之以爲一時之宗歟青浦王
述庵先生自少以通經史工詩文名海內一時才士望風景
和如恐不及而于其學問之遂用心之密則或未之盡知也
先生壯年成進士服官中外歷數十年由中書舍人泣至司

寇所處皆繁劇當其出塞從軍入掌內制孳孳矻矻手一編
不置其後 予告在籍年逾七十猶復懷鉛握槧無少休日
蓋其勤于學如此先生治經博通註疏精研義理兼采諸家
之說而以漢唐爲宗爲古文自周秦以至百家無不博取要
以史漢韓歐諸家爲宗至于作詩自魏晉六朝以迄元明無
不徧覽要必以杜韓蘇陸爲宗蓋才力原于天授而博觀約
取其宗法一出于醇正不襲古人之形貌而神理氣味無不
與之符合宜乎海內材藝之士傾心愛慕爭師事之惟恐不
及也夫世之以材藝名者或長于詩或長于文能其一亦足
以名家矣至于詩與文兼長而又能合經史詞章而一之者
則自韓歐蘇曾虞揭諸君子而外殆不多觀焉若先生豈非
天所篤生以爲一時學者之宗乎先生爲人風裁高潔性情

和易而尤愛惜人才培植士氣雖偏長薄藝亦獎勉交至惟恐其材之不就其肫誠懇摯待之一出于天性若不知其然而然嗣光年二十三從先君子謁先生于京師辱先生所以期許之者甚至時先君子方出令山西先生爲贈序以寵其行其後六年再見先生于太倉州而先君子已前卒先生執手道故悽愴太息久之又三年先生重來京師嗣光亦以試禮部至京先生示以春融堂集且命之序顧先生屢典文闈門生通籍遍天下自惟謏陋無似不足窺見先生于萬一讀先生文集乃益憬然于鉅儒之有數而爲一時學問之士幸也嘉慶四年夏新城魯嗣光撰

文序

有盈不能無虛者天也有豐不能無嗇者地也有盛不能無

衰者人也而維持於古今絕續之交綿綿延延虛而盈膏而
豐衰而盛者文章而已文章之途不一家弋功獵名者無論
已卽一二好奇嗜博之士瀏覽諸家弗求歸宿出其性情以
成其術業有失之隘者焉有失之偏者焉夫曰羅載籍低首
下心一名一物辨析于幾微疑似之間窮其理而致其曲僅
自怡悅而已綱常名教何裨益乎甚或膠持已見入主出奴
是猶味棗栗之甘遽詆薑桂之辛烈也可乎哉述庵先生見
解超邁根柢深厚方其少年結客名場東南耆舊俱及薰炙
之耳濡目染醞釀已深其後橐筆承明之廬得悉 國家掌
故因草損益大經大法及編撰典籍發凡起例半出先生手
定先生之遭遇可謂厚矣乃造物又恐其奇險之不備涉也
萬狀之不盡窺也驅諸荒徼淬厲其精神振盪其胸臆山川

巖谷之阻烏獸草木之奇妖星之灼人鬼雄之吐氣時時在心目間當夫餓馬悲鳴窮蠶夜哭先生惻然上帳請纓入關奏凱先生凜然旬宣萬里司寇五年先生秩然嗚呼何其志之大也何其文之偉也蓋嘗卽其閱歷徵諸篇章所著春融堂文集又能貫串羣經陶鎔諸子考據之文期於綜古今也辨論之文期於窮識見也闡幽抉奧之文期於教忠孝而動鬼神也一代之典常四方之風土胥於是乎在徒驚其藻采高翔猶淺之乎視斯集矣近日制古文家推袁簡齋朱梅崖然簡齋失之徧梅崖失之隘先生文不名一家又無一家不受其籠罩較二公固已勝之由是溯接鈍翁西河竹垞而上班馬韓歐之遺緒將賴先生以維持于絕續之交而不墜焉區區之心固不僅爲先生一時私幸也夫長白法式善序

今海內操觚之士其趨不出二端曰訓古之學曰詞章之學
通訓故者以詞章爲空疎而不屑爲工詞章者又以訓故爲
餽飣而不願爲膠執已見隱然若樹蔽焉夫董生揚子奧於
文於經未嘗不深匡鼎劉向遂于經於文未嘗不茂彼好爲
異同交相訾議必其中有所歉淺之乎窺古人而意猶未盡
融也若去二者之弊又克兼二者之長則世頗難其人而人
且宜以爲法吾於侍郎述庵先生見之先生年三十成進士
又三年以奏賦授中書舍人入贊機庭出參幕府荷 朝廷
倚畀之重躋位卿貳雖事務殷湊戎馬倥偬無一日廢書所
過名山大川窮極幽阻暇則與賢士大夫相劇鏃凡可以爲
文之助者是非得失悉以自鏡蓋數十寒暑於茲門下士定
其所爲春融堂文集四十卷懷玉受而讀之其考古也覈其

尙論也嚴其扶獎人倫也力其擴發性情也摯 國家之掌
故與邊防之利病皆灼然洞本末自名公鉅卿以逮通人宿
儒志狀之出類得一言以爲華碑版流傳照耀四裔何其盛
歟先生治經淹貫衆說有九經揭櫫若干卷雅好碑版文字
輯金石粹編一百六十卷又裒輯平生師友詩文以行於世
凡百餘卷著述等身亦可謂富矣自其少時卽以說士爲已
任旣通顯有一藝來謁津津樂道弗置初不設畛域于胸故
人多樂從之游夫取諸人以爲善善莫大焉豈直爲文云爾
哉世之膠執已見交相訾議者讀先生之文必將驚其浩博
服其精審心折意消有不可及之歎以爲直能合訓故詞章
而爲一而非偏於習尙泥古而未融者所可相提並論也懷
玉謏陋不足究先生文辱知愛謂可與語敢就所見以相質

焉武進趙懷玉撰

詩序

余與述庵先生別又四年矣今年夏先生以觀察來秦遇于西安余請其集而讀之先生云我兩人以文字交久知我深者莫如君願道所以爲詩之意弁于簡端嗚呼先生之詩學至矣余嘗聞其緒論曰詩之爲道偏至者多兼工者少分茆設範各據所獲以自矜學陶韋者斥盤空硬語妥帖排奭爲龐學杜韓者又指不著一字盡得風流爲弱入主出奴二者恒相笑亦互相紉也吾五言詩期于抒寫性情清真微妙而七言長句頗欲擬于大海迴瀾縱橫變化世之偏至者或可以無譏也歟又曰士大夫畧解五七字輒以詩自命故詩教日卑吾之言詩也曰學曰才曰氣曰聲學以經史爲主才以

運之氣以行之聲以宣之四者兼而弁陋生縱者庶不敢妄
厠于壇坫乎又曰尊賢友士立懦廉頑後世誦詩所以尙論
也如少陵之上哥舒翰贈張垧與蘇渙吾猶目以失言况其
下者近代集中取友之嚴莫如亭林漁洋竹垞三公吾竊奉
以爲法焉蓋先生命意如此嗚呼誦先生之言可以知先生
之詩矣余以丁卯定交于秦淮已已從宿松假歸隨先生於
吳門蓋七八年山水之游花月之坐無不共也而先生乃以
召試入內閣迄今計二十四年因舉其緒論以還質之俾誦
是集者識所嚮往焉先生直內制掌機密最久旣而立功邊
徼受

聖天子不次之擢游歷中外事而被服儒素專心風雅壹以
詩教厲天下則是集實爲贊的由其論而思之詩學之盛必

有徵也於是乎書長洲吳泰來

余少工詩粗構一隅于古作者之波瀾房奧懵然未有所得
其後從家述庵游與之上下其議論不覺心開目明始得稍
窺見六義之指述庵之言曰詩之爲教雖小夫婦人一語
稱工輒能傳世而論其極則學士大夫窮老盡氣翦刻規撫
往往不逮唐宋以來號大家者代不數人斯其故何歟宋元
君之命史作畫也其始儻儻然不趨其旣解衣而槃礴鄭師
文之學琴也內得于心而外應于器彼皆全乎天者也文章
之能事惟詩境爲最闊而其感人亦最微若唐宋諸大家詩
外皆有事在當其休乎天鈞而根器學問心精骨力悟詣才
鋒遂種種涌現于詩後之人乃逐影而求之詎有當歟述庵
性質篤厚而神觀超越懸解獨契能照澈古人心髓于于世

之上興酣搖筆急起而追之故持論如是蓋其宗法之高鑑
鑄之妙皆勝予數十籌而餘子之退舍却步又無足道矣曩
丁卯秋初與述庵會于長干水榭自後離合不常惟己午申
酉四年同客臨頓里過從極歡甲戌同居南宮予留京師而
述庵轉客濟南予送之廣寧門外執手悽咽悵悵不能去佇
立道旁望其車塵漸遠乃予回寓今追憶恂悅如昨日事
蓋吾兩人離別未有如是之久者而述庵別後詩益奇合前
後所作都爲一集寄示予發而讀之奄有衆妙不名一體挹
風騷之趣規開寶之格而擺脫淩轍演迤涵嘒于蘇陸之間
中有天焉而不可以人力與也洵乎其爲今代一大宗無疑
矣予入都以後詩如拙工之畫俗師之琴猥鬆和粉鉤弦柱
指而已天不存焉爾蓋離羣索居所得日以頽墮回念昔日

相從山游水汎塗嬉巷飲每遇會心狂呼大叫以相娛未知平生何日再得此樂序述庵之詩以貽之庶幾述庵之有以進予也嘉定弟鳴盛

詞序

詞者詩之餘也而古今才士多不能兼此二者有宋三百年間如美成邦卿君特公謹中仙叔夏諸君子卓然爲詞中大家而其詩率不傳惟姜堯章白石道人集陳君衡西麓漫稿詩差清曠可喜至眉山劍南偶作長短句亦未爲擅場甚矣人之才力有限而兼而工之者之難得也吾友王君述庵以詩名聞吳會間酒酣刻燭拈韻賦詩纒纒成數千百言間復倚聲樂府偷聲減字慢詞促拍一一叶于律呂其選言也新其立意也醇緣情體物之作清新婉約出入風雅有一唱三

歎之音予素不能詞而東南詞家多能識之吾鄉趙飲谷徵
君王鳳喙孝廉長洲顧祿百上舍吳企晉外翰上海趙升之
張策時兩文學尤其傑出不羣者顧於述庵之詞交口推服
無間言信其詞之工而必傳于後無疑也述庵家在九峯三
泖間有山可游有水可釣竹樹蕭森林木翳如又與溪朋酒
友日相往來結樓吟嘯其中春秋佳日相與按蕢洲漁笛之
譜和主塘欸乃之集其得山水之助如此宜其詩詞之無不
工也讀述庵之詞者無徒以詞人目之可矣嘉定錢大昕序

春融堂集目錄

卷一

蘭泉書屋集古今體詩一百一十二首

卷二

琴德居集古今體詩九十六首

卷三

三泖漁莊集古今體詩八十三首

卷四

鄭學齋集古今體詩一百十首

卷五

履二齋集古今體詩一百一十一首

卷六

述庵集古今體詩一百二十首

卷七

蒲褐山房集古今體詩一百三十二首

卷八

蒲褐山房集古今體詩九十七首

卷九

聞思精舍集古今體詩一百四十七首

卷十

勞歌集古今體詩一百四十六首

卷十一

勞歌集古今體詩一百首

卷十二

勞歌集古今體詩七十七首

卷十三

勞歌集古今體詩八十九首

卷十四

勞歌集古今體詩六十三首

卷十五

杏花春雨書齋集古今體詩七十六首

卷十六

杏花春雨書齋集古今體詩九十九首

卷十七

杏花春雨書齋集古今體詩一百十四首

卷十八

杏花春雨書齋集古今體詩八十二首

卷十九

杏花春雨書齋集古今體詩一百三十五首

卷二十

杏花春雨書齋集古今體詩一百二十首

卷二十一

杏花春雨書齋集古今體詩一百四首

卷二十二

存養齋集古今體詩二百首

卷二十三

臥游軒集古今體詩一百三十五首

卷二十四

臥游軒集古今體詩一百四十首

卷二十五

琴畫樓詞七十四首

卷二十六

琴畫樓詞八十三首

卷二十七

琴畫樓詞七十三首

卷二十八

琴畫樓詞七十四首

卷二十九

賦

固窮賦

陸機宅賦

聖駕再幸江南賦

精理亦道心賦

進次賦

夏雪賦

臥龍岡賦

三高祠賦

卷三十

書

答翁靜子徵君書

與顧上舍祿百書

與沈果堂論文書

與顧震滄司業書

與彭晉函論文書

與夢文子座主薦士書

答呂青陽書

與朱竹君書

與惠定宇書

與褚舍人摺升書

與秦味經先生書

與門人張遠覽書

答甥蔣瑞應書

與趙升之書

與曹來殷書

與杭大宗書

卷三十一

書

與錢沖齋書

又與錢沖齋書

與陳綱齋書

與蔣應嘉檢討書

與余庚有書

與袁文康書

又與袁文康書

與楊孝廉書

答吳沖之學使書

與吳沖之學使書

又答吳沖之學使書

與陸耳山侍講書

與南明族弟書

又與南明

又與南明

又與南明

又與南明

又與南明

與顧晴沙觀察書

又與顧晴沙觀察書

與彭樂齋觀察書

答彭樂齋觀察書

答錢曉徵學士書

與李

世倭

按察書

與趙少鈍書

卷三十二

書

與吳竹堂書

與盧紹弓書

與梁山舟侍講書

與錢曉徵少詹書

與江艮庭論六書書

答許積卿書

答門人陳太暉書

與吳二匏書

答李憲吉書

覆倪敬堂書

又覆倪敬堂書

與畢秋帆制軍論續通鑑書

與孔洪谷主事書

與汪容夫書

卷三十三 論

經義制事異同論

許世子論

漢文帝論

太元論

馬謖論

阮籍論

王羲之論

唐宋兵制得失論

續復讐論

王安石論

張浚論

卷三十四

考辨

齊風汶水考

韋顧昆吾考

封建考

鄭氏書目考

伏波將軍印考

隱公不書卽位辨

子以母貴辨

公山弗擾以費叛辨

外丙仲壬辨

卷三十五

解說

乾鑿度主歲卦解

鄭氏爻辰解

文祖藝祖解

九族既睦說

文王受命稱王說

北過泲水至于大陸說

許積卿字說

四士說

卷三十六

序

顧陶元重刻易隱序

沈仲方尙書條辨序

朱睂洲詩緒輯雅序

汪少山齊魯韓詩義證序

汪少山大戴禮記解詁序

陳宏猷四書就正錄序

傅寶石六書分類序

新修榆林府志序

重修青浦縣志序

傅副憲緬甸圖序

壬子順天鄉試錄後序

先大夫百世師錄後序

金石萃編自序

卷三十七

序

石午橋律例舊鈔序

阮吾山秋讞總志序

黃氏族譜序

李氏家譜序

夏氏族譜序

陶氏尋陽義莊志畧序

朱氏刻陳忠裕公集序

何氏再刻陳忠裕公集序

祠塾規條自序

世譜小序

世譜前錄小序

吳■吟香閣印譜序

馮廣文墨香居畫識序

汪秀峯田居雜記序

滇行日記自序

征緬紀聞自序

歸葬小志自序

卷三十八 序

唐治父詩序

二彭集序

陳句山先生紫竹山房詩文集序

李恒齋先生金篋槎謠序

朱吉人春橋草堂詩集序

沙斗初布衣白岸亭詩集序

張崑南布衣鶴健堂詩鈔序

張策時華海堂集序

趙升之嬋雅堂詩集序

趙升之嫺鋼集序

朱子穎匏繫集序

吳沖之白華詩鈔序

褚左義學士詩鈔序

高秋士七峯草堂詩集序

蔣立崖司馬詩序

吳鑑南黃琢山房集序

卷三十九

序

金二雅播琴堂詩集序

楊蓉裳吟翠樓藁序

翁石匏布衣賞雨茆屋詩集序

魯絜非山木居士集序

索綽羅氏家集序

胡安公吟石詩集序

汪東湖明府詩序

吳照南聽雨齋詩集序

施鐵如宗丞詩文集序

張金冶紅椒山館集序

李味亭舍人詩序

吳企晉淨名軒遺集序

鄉曉坪午風堂詩序

家條山蘭綺堂詩集序

族子叔華詩序

卷四十 序

方恪敏公詩集序

潘榕臬三松堂詩集序

吳子山香蘇山館詩序

宋瑞屏滇游集序

楊蓉裳伏羌紀事詩序

家竹所濟南竹枝詞序

吳麗煌閉戶著書圖詩序

張太夫人培遠堂詩序

徐若冰女史南樓詩集序

廖織雲女史仙霞閣詩鈔序

毛今培試體唐詩序

劉星洲據鞍倡和詩序

升庵雅集序

訪菊詩序

官閣消寒序

修禊吟序

酒帘倡和詩序

千山竹枝詞序

西湖柳枝詞序

徐山民襖湖詩拾序

卷四十一 序

四家文類自序

青浦詩傳自序

湖海詩傳自序

江賓谷梅鶴詞序

朱適庭綠陰槐夏閣詞序

趙升之墨華閣詞序

吳竹橋小湖田樂府序

孫鑑之海月詞序

陶鳧香紅豆樹館詞序

姚宦汀詞雅序

琴畫樓詞鈔自序

明詞綜自序

國朝詞綜自序

沈柏參時文稿序

送馮郎中從軍赴滇序

送談君赴黃州任序

送張偉瞻歸西華序

送魯絜非赴夏邑任序

送施明府赴公安任序

送張偉瞻赴鎮遠任序

送唐晴川曹秋漁歸嘉興序

送景孝廉雲客序

送丁小山歸湖州序

送唐陶山赴海州任序

卷四十二 序

沈歸愚先生八十壽序

黃醴泉五十壽序

邵西樵八十壽序

孫虹橋六十生辰詩序

蔣瑞應六十咏懷詩小序

錢曉徵七十壽序

段得莘先生九十壽詩序

阮湘圃封翁七十壽序

梁山舟八十壽詩序

從子次辰雙壽序

吳母程太夫人八十壽序

李母張太淑人八十壽序

沈母朱太恭人九十壽序

高母太恭人八十一壽序

王母張孺人七十壽序

高母陸孺人七十壽序

武母程太孺人七十壽序

卷四十三 跋

跋周易乾鑿度

周易義海撮要跋

惠氏周易述跋

易漢學跋

跋稽古編

宋刻周禮跋

宋本春秋左傳跋

春秋集傳微旨跋

書褚先生補史記後

跋漢紀

書陶淵明傳後

封氏見聞錄跋

宋本元和郡縣志跋

跋唐書直筆新例

通鑑纂跋

革朝志跋

唐律疏義跋

平叛記跋

墨子跋

莊子跋

荀子跋

跋劉子

書文選李善註王仲宣從軍詩後

書王維送元二使安西後

書李義山詩後

陸宣公集跋

書蘇文忠公岐亭詩後

書蘇文定公商榷論後

烏臺詩案跋

環谷集跋

題剡源文鈔

元詩跋

山中白雲詞跋

書張叔夏年譜後

跋夏節愍集

卷四十四 跋

跋駢枝別集

明儒學案跋

書曝書亭集跋危氏雲林集後

書高少先生詩後

感舊集跋

書回部蕩平樂府後

書陸即夫愛日圖詩後

跋坤一詩鈔

載酒凌雲詩冊跋

獼髓集題詞

跋內江令許君詩卷後

困學編題詞

舊篋集題詞

汪秀峯春游小詠題詞

葉玉存小游仙詩跋

書 國朝詞綜後

跋玉篇

匡謬正俗跋

書隸釋後

漢隸字原攷正跋

跋子敬十三行石刻後

跋翁氏重刻漢石經

跋伊墨卿藏漢并天下瓦當硯圖

宋搨九成宮跋

雜書聖教序後

題宋搨爭坐位帖

跋舊帖

題錢穉廉集古帖後

跋羅兩峯丙舍帖

跋淳熙秘閣續帖殘本

跋棲霞寺碑

唐人書蓮華經殘字跋

跋趙松雪書梵網經

題趙松雪手札

卷四十五

跋

跋文信國與吳架閣名揚劄子

董思翁臨顏魯公送裴將軍詩跋

跋祝希哲書黃庭經後

跋陸師道隸書周易本義後

澗山唱和長卷跋

跋竹垞太史手札

跋金誦清清獻閣帖所刻懋南田書

題陸清獻公書餘齋恥言卷

跋儼齋司農臨李北海米元章書冊

跋伊墨卿藏劉文正公墨蹟後

跋法開文學士所藏鄂剛烈公詩卷

題陸虔寶隸書千文

跋山舟侍講書賢首經後

跋朱竹君手札

題賈素齋詩篆帖

查氏烈女編跋

書史烈女傳後

題莊似撰元池訪古圖卷

古藤詩思卷跋

題藝圃圖冊後

題先伯祖澱溪公遺像卷後

跋呂語集粹

跋人譜

臨漢隱居詩話跋

玉壺清話跋

懷麓堂詩話跋

硯箋跋

法書攷跋

禁扁跋

跋函海所刻金石存

名媛尺牘跋

題陸包山山水

李長蘅山水挂幅

陳仲醇江南秋畫卷

跋張文敏公畫梅花冊

馬江香秋色小幀

題一泉上人墨梅冊

跋華嚴經

龍舒淨土文跋

書楞嚴經後

再書楞嚴經後

書佛頂蒙鈔後

心經淺釋跋

書王鶴溪昭慶寺修建記後

題贈僧旭齡文冊

卷四十六

策 策問

殿試策

己卯順天鄉試策問第一道

庚辰順天鄉試策問三道

辛巳會試策問二道

壬午順天鄉試策問三道

癸未會試策問一道

壬子順天鄉試策問五道

卷四十七

記

軍機處題名記

修長武縣學記

重興烏鎮社學記畧

騰越州署草堂記

雲南布政使署記

壘水河觀瀑樓記

楊子雲亭記

味初齋記

靑乳齋記

萍廬記

三鶴堂記

袁又愷漁隱小圃記

鄂不軒記

履二齋記

駱佩香聽秋軒記

卷四十八 記

殷氏祠堂記

楓涇王氏祠堂記

陸氏義莊碑記

蔣氏祠堂碑記

修慈門寺碑記

大崇仁寺五百羅漢記

西安大興善寺重修轉輪藏經殿記

重修清華閣記

慈門寺新修鐘樓碑記

湖州下昂邨清遠橋記

韓孺人畫像記

記畫

屈季超刻印記

雙林寺硯記

竹鑑記

卷四十九

記

畢雨稼行旅圖記

汪文端公松泉圖記

陶然亭雜集圖記

授經圖記

大樹山房圖記

游珍珠泉記

游龍泉記

近華浦游宴記

游雞足山記

雍州道中小記

木耳占記

美篤寺災記

卷五十

釋 辭 贊 銘 哀辭 誄 祭文

釋盧橘

中峯水明樓辭

游小鑑湖辭

游歷下亭辭

丁丑秋暮將有京雒之行門人汪心揆出楓林茅屋圖
相示蒼厓紅樹如見故山因作楚詞貽之亦庸以志
余感焉

得古琴于市上玉柱篆文曰蒼龍嘯月眇其空中有
大宋雍熙四年及孤桐應鍾數字尙可微辨餘不能
摸寫矣因爲之辭刻于匣上

壬寅小雪後顧觀察

光旭

曹員外

規

枉顧寓齋適開化

戴秀才

敦元

亦至同汎舟西湖雨中小飲日晚言別

乃作此辭

題陸朗夫中丞畫像贊

諸申之像贊

題顧治齋

成志小照

見復齋銘

硯銘

蓮葉硯銘

鄺湛若硯銘

金生慰祖哀辭

程荆南哀辭

汪雲壑哀辭

金孝子哀辭

汪容夫哀辭

郭文學誄

祭山川風雨神文

祭陣亡將士文

祭山川旗纛諸神文

太白山祈雨文

祭蘇雲卿文

祭王次山先生文

祭孫虛船通政文

祭沈歸愚宗伯文

祭陳文勤公文

祭來文端公文

祭太保大學士尹文端公文

祭 御前侍衛副都統博君靈阿神柩歸京文

祭穆荔帷文

祭魯絜非文

祭嵇文恭公文

祭張太夫人文

卷五十一 碑

慰忠祠碑

郭舟山廟碑

永昌王氏家廟碑

重建永昌楊文憲公祠堂碑

六賢祠碑

卷五十二

神道碑

戶部侍郎署翰林院掌院學士夢公神道碑

刑部左侍郎贈尙書錢文敏公神道碑

工部右侍郎阿君神道碑

兵部尙書都察院右都御史湖廣總督贈太子太保畢

公神道碑

卷五十三

墓志

太子太保大學士諡文襄舒公墓志銘

卹贈光祿寺少卿戶部主事趙君墓志銘

雲南迤東道錢君墓志銘

廣西柳州府通判朱君墓志銘

誥封中憲大夫安徽和州州同知王君墓志銘

湖北布政使朱君墓志銘

卷五十四

墓志

甘肅涼莊道署四川按察使司顧君墓志銘

廣西巡撫孫君墓志銘

四川鹽茶道王君墓志銘

禮部員外郎前四川按察使司孫君墓志銘

山西寧武縣知縣彭君墓志銘

同知署廣西平樂府知府余君墓志銘

廣西蒼梧道周君墓志銘

卷五十五

墓志

惠定宇先生墓志銘

江慎修先生墓志銘

戴東原先生墓志銘

都察院左副都御史陸君墓志銘

詹事府少詹事錢君墓志銘

卷五十六

墓志

都察院左副都御史申君墓志銘

雲南沅江府知府商君墓志銘

翰林院庶吉士吉君墓志銘

翰林院庶吉士汪心揆墓志銘

內閣中書舍人張君墓志銘

翰林院編修嚴君墓志銘

翰林院編修蔣君墓志銘

翰林院侍讀學士褚君墓志銘

翰林院編修前兵部右侍郎吳君墓志銘

刑部員外郎汪君墓志銘

浙江按察使陸君墓志銘

前經筵講官都察院左都御史吳君墓志銘

卷五十七

墓志

含山縣訓導蔡先生墓志銘

歲貢生陳先生墓志銘

寧國府教授施君墓志銘

金壇縣教諭葛君墓志銘

誥贈朝議大夫縣學生賀君墓志銘

誥封中憲大夫中書科中書舍人劉君墓志銘

文學楊君墓志銘

候選員外郎李君墓志銘

陽山縣教諭瞿君墓志銘

卷五十八

墓志

蔡希真墓志銘

邵珉高墓志銘

朱上義墓志銘

羅臺山墓志銘

蘇州府教授俞君墓志銘

黃仲則墓志銘

張蘊輝墓碣銘

國子監生陸君潤之墓志銘

金誦清墓志銘

卷五十九

墓志

志畧

墓碣

節母陶孺人墓志銘

張母吳太孺人墓志銘

葉孺人墓志銘

誥封許母胡夫人墓志銘

亡妻鄒氏志畧

芸書志畧

許孺人志畧

汪容甫墓碣

文學汪君墓碣

振華長老塔銘

卷六十

墓表

翰林院編修朱君墓表

誥贈奉政大夫訓導馮君墓表

翰林院侍講學士充 國史館提調官邵君墓表

河南道監察御史胡君墓表

進士劉君墓表

山東長清縣知縣朱君墓表

蔣升枚墓表

江聖言墓表

朱子存墓表

文學呂君墓表

貢生吳君偕朱孺人合葬墓表

邵西樵墓表

國子監生焦君墓表

湖北襄陽呂振鐸巡檢王君墓表

楊孺人墓表

金孺人墓表

法師劉君墓表

卷六十一

行狀

太子少保協辦大學士刑部尙書諡文勤阿公行狀

太子太保東閣大學士梁文莊公行狀

卷六十二

行狀

太子太保武英殿大學士一等誠謀英勇公諡文成阿

公行狀

卷六十三

行狀 事畧

國子監司業王公行狀

先母錢太夫人事畧

卷六十四

傳

顧在觀傳

陸振芬傳

沈荃傳

周洽傳

鄒允颺傳

周綸傳

王原傳

張德純傳

周士彬傳

胡寶琮傳

宋德宜傳

陸元輔傳

吳偉業傳

王綽傳

卷六十五

傳 小傳

王元祁傳

顧陳埈傳

趙俞傳

沈起元傳

張鵬翀傳

秦倬傳

王鳴盛傳

曹仁虎傳

吳西林先生小傳

周斯盛太守小傳

潘君上舍小傳

繆君笏巖上舍小傳

節母黃孺人小傳

節孝孔母唐孺人小傳

顧英小傳

女粹卿小傳

卷六十六

公讀

與畢中丞

與圖布政使

薩布

卷六十七

公贈

與顧鹽法道

長教

與馮布政使

光熊

與陳布政使

步瀛

答敷副都統

森布

覆浦布政司

霖

致書安肅鳳道

儀

致宋輩秦階道

維琦

與同州閔太守

鑑

與歐同知

煥舒

與咸寧長安兩縣

與楊蓉裳

與南明書

致蘇顯之

去疾

上兩江李制府

卷六十八

書事

雜著

書黃公纘事

書奎公遺事

新纂雲南銅政全書凡例

友教書院規條

示戴生

敦元

示長沙弟子唐業敬

示朱生林一

年譜二卷

附

失目

張玉壘七十壽序 卷四十二

林黃先墓文 卷五十

節母蔣孺人小傳 卷六十五

春融堂集卷一

青浦 王 昶 德甫

蘭泉書屋集

辛酉 癸亥

壬戌 甲子

練時日

練時日 亶吉燭昭爛爛升燔煙藉蕭薌張帳筵愴惚恍晞幽
元儼有對謹且虔靈之旗紛般裔翳金支蔭華旆樹芻麗總
容衛靈之車璫鸞鈴扶列缺奔焱霆厲玉軼震絃絃靈之來
頤修門忽晦靄臨周軒宵若豫歆脈牖靈之坐設沈齊晉瑄
玉羞豐饗鏗鑿鑿鋪兼拊篋武宿夜參以馳神鬱搖恣攬嬉靈
奚虞眷悖德微揆著乎九極胥埒人噓歲澤媿泰元桐生息
用綏祉錫福祥禱慶蒸握譽光長離儀秋踰踰馘元祐申無
疆永億秭楸樂康

帝臨

帝臨中壇五神祇承粵輝魄寶太微感生東靈威仰西白招
拒北汁光紀南赤熒怒惟含樞紐是相是備齋夙翼若壑壟
作昌郝郝繹繹化柔種剛施暨枯槁靈示用長

齊房

有茁其跗有煒其華元精曼羨雲陽之都聖德夏崇迺禧在
宮神賁匪伯聿彰懿恭

景星

景星挾耀燭象穹宇依躔離斗祥氛霄聚赤青二氣赫戲幾
璇周伯格澤相次爛然汾睢寶鼎靈德以宣撈元攸卒粹精
是誠蒼萌黃芽迺契浸潭友符施況報敢弗欽質柴璧邸昭
幽宗鼓鼓坎坎殷廟宮溢童常羊行若馮旄羽弗離卑以崇

華始浩倡諧洪厖瑤席脍食醅齊從和喉若苦丞殺隆曜靈
西奄纖阿東天門詆蕩精熊熊昌光抱戴懸兆同川珍嶽貢
明應豐歆雲助期景命融綿千億禩祚聖躬

楊柳篇

寒律移新序芳時及豔陽乍見垂楊臨玉卮漸看細柳拂銀
塘銀塘玉卮春方早妝成碧玉多絲繞密樹雙棲並命禽疏
枝共宿相思鳥文禽幽鳥向人哢十里望欲迷每先南
國桐花放長伴西津蕙葉齊隱隱朝煙籠繡陌迢迢春水生
蘭澤貴主樓臺到處移上公甲第爭先植翡翠窗邊影乍黃
茱萸網外絲初碧小侯長樂更繁華日夕狂游事狹邪官渡
營前迴玉勒永豐坊外駐香車更衣愛市臨卺酒側帽微牽
鄠杜花誰家宛轉開羅幕何人窈窕臨珠箔葉裏當壚紫玉

釵林閒挾瑟黃金索挾瑟當壚極望同倡家妓館盡青蔥
濛濛露溼蘼蕪逕漠漠煙迷芍藥叢可憐花滿靈和殿可憐月
照宜春苑婀娜遙傳鵲樓低徊斜拂鴛鴦幔金屋通宵奏
鳳笙玉堦永日移虬箭班女蘭房怨早鶯楚妃椒寢懷歸鴈
別有扶風織錦人年年歲歲對芳辰心悲驛路飄香絮目斷
江隄起麴塵麴塵香絮相思處黃榆遙憶龍城戍塞北胡笳
信未通江南玉笛愁難度江南塞北共青青況復分攜向短
亭渭城細雨情何極灞水斜陽淚欲零此時楊柳春如夢此
時畫閣春陰重對鏡臺前憶舞鸞吹簫樓上誰招鳳金闥寂
寞度華年傅粉熏香整翠鈿畫成眉黛無人見瘦損腰肢只
自憐腰肢眉黛多悽惻坐挽柔條長歎息不作亭皋解佩身
寧招梁苑彈琴客惆悵延年一曲歌芳暉欲晚感蹉跎應知

紅杏累花盡應惜青梅落實多青梅紅杏開還謝金鋪又見
飛綿下北館悠悠拂畫橋東郊冉冉凝雲樹畫橋雲樹迴生
愁無那年光易報秋斷腸明月烏啼夜搖落西風杜若洲

送人之武林

渺渺西泠路煙波唱竹枝梅花高士宅芳草水僊祠細雨停
官舫輕風颭酒旗蕭娘遺蹟在愁絕柳如絲

贈張行人大木先生

梁

久向人間作歲星翛然山澤緬儀型縹緗自檢高人傳花藥
先開佚老亭西磧梅香筇杖健南湖蓮放釣船停蕉衫簞笠
神仙似團扇圖來又畫屏

皇甫林弔陳黃門

子龍

故居

湘真遺閣久飄零細柳新蒲滿夕汀正則懷沙魂未散萋宏

藏血墓誰銘東吳賓客開壇坫北地文章示典型所惜玉樊
俱泯滅雲旗風馬共揚靈

送別

春水送行舟春江起暮愁花殘金屈膝歌賸玉搔頭細雨蘼
蕪逕香風杜若洲蹋青攜手地何日繼清游

采蓮曲

江南煙雨新波漲白蘋紅蓼秋江上浥露芙蓉曉盡開迎風
菡萏遙相向蓮葉蓮花一望同鴛鴦翡翠滿芳叢澄潭遠嶼
參差見曲檻迴橋宛轉通此時越女妝成早弄珠拾翠思芳
艸自放蘭橈向曲池親攜桂楫臨華沼池沼水沄沄相思隔
曉雲紅衣明玉腕翠蓋映羅裘羅裳玉腕情何極相逢細語
垂楊側北渚將迴青翰舟西津猶駐黃金勒杳杳微聞水調

歌西風欲起奈愁何紅蓮結子心終苦碧藕牽絲恨轉多殘
霞散綺天將暮回首雲中明月吐滿船涼露溼吳衫畫樓燈
火催歸去惆悵關山人未歸涉江望遠淚霑衣祇愁蘭澤清
霜下寂寞橫塘墜粉稀

螢

蕪城舊苑事俱非又向深林幾處飛梅雨池塘時遠近藕花
庭院見依稀畫簾月暗光初度書幌煙深影漸微最是新涼
團扇底有情夜夜照羅衣

東菴夜宿

空山蘭若靜況復近深秋清露滴苔徑夜寒生竹樓月高香
梵寂風急磬泉流此夕東林社繙經對惠休

宿靜長書屋

在橫雲山清
河義莊內

方池澹微波迢遙映明月竹外水禽歸露下荷香發夜靜獨
憑欄涼風起蘋末

微雲度遠山夕陽下高閣梧竹何蕭森綠陰散簾幕曲逕不
逢人茶煙出林薄

題蘭泉書屋壁

愛吟支道林語

蘭泉淨色身支公語也

恰獲顧云美書

顧本顧苓隸書

移置小

窗深處香燈儼似精廬

山中曉起見梅花

初日照幽徑微霜零碧苔空山春信早一夜梅花開暗水響
叢竹寒香生石臺翠禽啼未已杳杳曉鐘催

慧日寺東偏梅數百株花時極盛或云昔年寺僧所

植又云卽副使王元翰

所

梅花林皆不能考其所自

手植何人不記名千枝如雪隔橋橫冰霜歲晚香先發水月
宵寒影更清品格豈容霑粉墨風標只合老柴荆殘鐘冷磬
伽藍近常與松篁締舊盟

晚眺

雨過荒磯長揭車殘雲收盡暮天虛春花拂地聚棲鳥野水
臨門聞打魚世事都消憑几裏閒情只在看山餘傍籬高樹
緣坡竹清夜含風一嘯舒

張墨岑

宗蒼
畫冊
在京
師作

鴨頭新漲滿迴谿略約斜橫著水低一夜東風吹雨過蘆芽
荻筍葉初齊

編得香茅築小亭藥欄落逕草青青閒門六枳無人到自檢
琴經與鶴經

梅坪竹塢水粼粼
被村漁衫穩趁身
何似西勾橋畔路
春衣日日浣紅塵

小蒸訪元曹貞素知白故居

沿緣小釣灘
問訊雲西宅
亭橋遺宿莽
花竹翳頽石
流連十晦間
緬想文章伯
曉晝寫煙巒
春漁啟蓬席
雪月最佳處
臺往來曳筇策
跌宕撰芳辰
招邀侶逋客
趙鄧暨虞黃
見陶南村曹氏
園池行謂趙文敏鄧文肅虞文靖黃文獻也
風標映琴冊
玉山草堂賢
異地信同迹
清門幸未墜
勝踐久非昔
落照下澄湖
遙峯亂蒼碧

偶作

碎金小帖未模餉

帖集趙承旨殘字

吟嘯堂高筆力孤

額爲董思翁所書

俯

仰兩賢畱妙蹟
閒窗斜日愛臨摹

桂影團團上粉牆
如珠仙露不勝涼
最憐秋月圓於鏡
應有

姮娥伴夜長

月夕泊小鑑湖

斷靄蒼然來頽陽下單舸頗愛玉一奩怡對山九朶西潭見
明月幽賞今始果漁網晚未收商帆遠仍妥偶聞邨犬鳴柴
荆出燈火絕景似剡川贈名奚不可惜無四明客來此共數
坐爐熏息幃幔嵐氣襲巾裏柳梢風露零時向蓬窗墮

過東余憩明陳仲醇

繼儒

神清室白石山房故址在

其右蓋章公觀

憲文所居

愛山循山堤幽花播籬落未登金沙地已契煙霞約徵君夙
所廬幽蹤宛如昨卅年謝簪紱壹意隱巖壑至今神清室扁
額照林薄其左水部居粼粼白石鑿巧類愚公移瘦疑鳧氏
削勝地蕪軒廊佳游緬絃酌水邊林下路何人再棲託三復

畫禪詩茗帚終擬縛

奉酬張大木先生

生平幸接孟家鄰
倒屣題衿意倍親
長句豈能追李白
小言聊復比殷鈞
每從樽酒欽前輩
卻愧文章附後塵
計日江湖秋色裏
笑譚還得其漁輪

寄法蘭上人

憶昨山中宿柴門
聞夜尤孤燈青
蘚壁寒雨白
雲窗泉響穿
苔澗花深覆石
紅贊公今不見
獨聽曉鐘撞

秋夜夢一泉上人

實源 卻寄

枯葉墮清響
西堂夜氣深
煙波離思遠
殘夢到祇林
澹月明
幡影涼風遞
梵音香嚴前
偈在一笑證禪心

言愁三首

清愁本無端觸緒乃繚繞乍來似霏微漸入更宵渺杳如霧
未收遠若夢初曉對月輒銷魂聞歌愈盈抱生平作愁人愁
味頗能了非根亦非塵象外每孤裊意惟大悲心於茲偶萌
兆

秦客詠蒹葭鄭詩怨風雨靈均溯湘君木葉下江渚九辯乃
繼之西堂塵延佇其詞皆愁吟其人盡愁侶微諷已悽馨再
讀轉酸楚悠悠望古心千載渺愁緒風騷不可作此意誰與
語

洗馬玉樹枝渡江百端集綺羅尚不堪慘頓安可極袁郎屈
瀨鄉登臨眺芳隰遼落感江山陳詞幾欲泣凡此工愁人言
愁最歎嗚夙昔攬其書掩卷輒勞悵何況晚燈寒虛窗寡朋
執愁深不知愁飄渺遠難戢轉覺佳趣來時於此中入夜深

梧竹鳴風雨助淒急時聞孤鴻音伴我青衫溼

塞上曲

軍符昨日下午西京都護行邊事遠征鼓角風高秋出塞戈鋌
月冷夜移營

羽林十萬盡橫戈不許天驕更請和纔捲旌旗臨上郡前軍
已渡白狼河

風沙莽莽萬重山醉把雕弓月下彎回憶君恩身未報不教
兒女唱刀環

颯颯風霜點鐵衣親提一旅破重圍沙場日暮黃雲合獨斬
樓蘭報捷歸

絕塞秋高萬馬霜邊城寒色曉蒼蒼夜深明月橫滄海獨上
高臺望故鄉

烽煙萬里憶從戎，欲寄征衣路未通。
一片寒砧聲不斷，西風吹入建章宮。

書李舒章

箋

與蒲圻相公高

宏圖

書後

五馬南來已式微，一絨猶藉塞鴻飛。
過江人物懷王導，入洛聲名感陸機。
此此方誇爭有穀，哀哀誰肯賦無衣。
最憐蘇李知交舊，皇甫孤墳對落暉。

謂陳黃門

七賢詩

張曹掾

翰

步兵工文詞，託蹟乃清介。
遠懷南山蕨，歸羨中吳鱸。
適志名可忘，知幾身始泰。
作賦在首邱，蕭然軼塵壒。

陸補闕

龜蒙

閒園顧渚山，小築吳江岸。
一咏迎潮辭，幽棲宛如見。
襄陽耆

舊詩甫里先生傳何時把釣車煙波繼蕭散

衛文節

涇

文節鬱忠貞陳書必謗殷殷憂國心園林表後樂權門詎
可通偽學何妨託櫟齋亦聞人說禮肆鴻博

公弟湜撰禮記集說一百六十

楊提舉

維楨

寓縣駭龍戰江湖適鴻冥時攜水仙舫來對光祿亭鐵篴忽
吟嘯瓊花爭娉婷永懷雲林子垂老仍飄零

倪元鎮贊亦時游潞洲寓曹雲

西家
最久

王布衣

逢

席帽山人逝梧溪精舍荒青龍萍梗地想見鬢毛蒼節烈輒
慷慨歌辭時激揚持較杜陵叟無媿一瓣香

陸文定 樹聲

非仕亦非隱中清還中權
簪纓遣夙累山水滋深緣
身踐夷惠蹟壽契喬松年
蜀洛分爭日出處良悠然

陳黃門

聲氣紹東林詞章邁北地
艱危豁經綸盤錯展忠義
何慚漳浦知矧有玉樊繼
一咏松柏桐懷沙其賈涕

雨後登澱山望薛澱湖

晨飈振微寒曉雨豁新霽
言訪一拳山緣涯泊蘭枻
浮圖久傾頽練若半蒙翳
澄泓十仞泉下有蛟龍衛
蓮漪縈秋蘋竹徑蔭芳桂
昔年雪浪中盼此等螺髻
冉冉感桑田依依坐苔砌
夢窗詞最工梧溪句誰繼
還憶白雲窗何由接衿袂

過雲和道院

下山漸遲池入院更蕭爽紅葩冒砌繁翠蔓緣籬上不聞雲
和琴頗愛松風響羽流清而癯邀我卻藤杖旌蓋表華龕爐
香繞幽幌坐間冰玉姿宛契真人想規中妙緣督物外遊象
罔彷彿洞庭秋凌虛謝塵埃丹訣儻可希黃庭庶能養終擬
學餐霞于茲遂沖賞

晚入圓津禪院觀書畫

斷雲開夕景天水餘清蒼回塗訪初地入戶聞名香翠筠被
曲徑朱槿依層廊夙眷墨華禪小憩依藜牀鐘魚歇幽響翰
墨遺羣芳容臺及煙客妙蹟紛成行上人似知藝見華嚴經累葉
傳縹緗空門本非空手澤何能忘掩卷起太息斂袂登歸航
漁梁路未暝纖月升柴桑

修竹吾廬

圓爲宗人素嚴
緇修蒞生諱書

曲徑堆黃葉荒陂滙碧渠猶畱數竿竹長映八分書農圃傳
先業漁樵守故廬叩門佳客至倚檻看芙蓉

前爲湧月亭

青龍江懷元瞿慧夫

智

王原吉

達

龍江如龍蟠天水湛寒綠黃雲萬頃田翠葆千竿竹時聞雞
犬聲漁樵隱叢木前修高路處習尚頗淳樸因懷畫蘭翁
工于此主岸塾詩書擁皋比絃誦振蓬屋賓朋載酒行野饌
招近局詞翰至今傳珊瑚溢紺軸

詩文俱載鐵網珊瑚

梧溪亦卜居避

世守初服上策契飛鴻

原吉築冥鴻亭于此

中原忘逐鹿幾如畏壘山

鄉人但尸祝獨惜醉眠亭煙蕪昧遺躅米碣久不存蘇咏誰
堪續向晚春潮生風濤滿迴隩

由香花橋過七寶教寺

晚經梅家庫晴曦香花橋微露泣蘋葉寒漪浮緯蕭時看滯

穗積因驗秋田饒黃緣度一曲名利森孤標機雲騰陳蹟吳
越傳精寮鐘魚午梵寂翠羽啼涼颿函開經藏古坐久鑪煙
消不逢碧山僧獨撫蒼檜條曠思隨松雪撰杖長吟謠陸文裕公題七寶寺僧詩卷小序云此卷蓋張友山先生筆初爲法忍寺作復書此以遺碧山僧豈其所珍愛者耶寺有五代時檜趙子昂亦有詩

雪後渡泖登長水塔院

晨起朔風寒煙蓬綴殘雪放櫂出長湖初陽尚明滅顧茲景色清契予襟情潔漁步習未施僧寮磬初徹稍見藏經樓金輪更巖嶮冰銷苔逕滋茗罷鑪煙絕洗石席屢移援藤屐頻抑蕭蕭閑鷗外數點空翠列問禪懷導師選勝企前哲何時翫月堂天水攬澄徹

西齋聞琴有懷邵秀才玉蘂

安

殘雪滿簷竹夜寒彈玉琴商聲起瑤席蕭瑟散疎林風寂鴈
初下霜清鐘欲沈佳期杳難卽月落水雲深

金澤入頤浩寺還泊蘆花村乃楊鐵厓倪雲林游賞
處

寒濤散千頃曲渚渺一痕翳然林木際躡展游祗園斜穿貝
多室徐踐梅雪軒琅璫振高閣薜荔衣重垣忠定榻久圯文
貞袞猶存遺徽等玉帶妙諦懷風幡還撓冒雨雪近泊蘆花
村雲西昔卜築藉卉攜芳樽廉夫旣鳳隱元鎮仍鴻鶩釣灘
詎云小蜚遜超卑喧前脩世莫覲絕景情所敦願邀蓮社侶
寺東有蓮社菴攜手歸衡樊

蓮湖寄陸秀才湘萍

胎韓

五茸屈東南煙波互吐納挂席向長空依稀水天合人日近

初春

時初十日立春

寒風饒殘臘葦閒維松舡柳外攜畫榼閑揜石

徑筇遂造禪家闔頗憐伽藍寒孤僧挂毳衲寂無梵音放遠

有漁歌答茲湖洵清虛夙少秋藥匝乃聞蓮萼繁每與菰絲

雜靈異匪所思

湖中並無蓮花而時浮蓮實人咸異之

塵蹤愧迢還晴雪蒨疎

梅折枝寄朋盍

吳淞江口曉發

曉聞榜人喧颯颯潮初涌凌空白鷺濤觸岸勢疑動蒼茫雲
下垂浩淼雪齊擁將母天吳驕能使河伯恐震澤導歸墟三
江實其總魚龍恍繆蚘朝夕互頃洞南洋萬里沙鷗口時閉
壅比來疏淪勤畚畚並騰踊遂無旱澇虞坐致禾麻舉客帆
寫容與漁唱樂聞冗何繇仿天隨誅茅闢荒茸

過石浦

漁步烏墩涇邨橋道謁浦西行盡水鄉湖溲眇難數樹杪風
忽生送此煙中鴈迢迢見紺塔往往聞戍鼓春光寒食前泥
暖芹芽吐誰憐小梅花零落在香土農家東作興荷蓀雜亞
旅穡事良可懷曩哲何由侶行從上冢還數椽開小圃

經真義村蓋玉山草堂故址所在明夏太常和亦卜
築於此

松篁遠如畫隱見江上村雲巒隔春郭煙水環衡門玉山最
佳處曾此開琴樽簾櫳浣華館荷芰釣月軒往來漁樵侶况
味同蘭蓀卑棲乃足樂避世差能存太常稍後出接蹟營邱
樊遂使信義里幽勝疑桃源酒旗泣清露漁屋明初暝願言
偕金粟抗手辭囂喧

橫塘

春水三篙綠春巒一桁青乘潮挂帆席風色正泠泠叱犢煙
中徑叉魚柳外汀酒樓聞擲笛淒切最堪聽

登橫山訪姑蘇臺故址

宿鳥起疎林初陽破蒼靄捨舟杖策行蕭然絕塵璫層厓互
蔽虧古屋相映帶言訪姑蘇臺榛蕪足深慨憶昔棲越時復
讐志已快遂因神木來金碧窮藻繪春宵旣遷池海靈更瀟
灑玉檻與銅溝窈窕供粉黛重違靈胥言復作黃池會一經
洩庸軍參雲竟安在杳杳放梵聲依依出香界重巖翳浮嵐
清泉下幽瀕迴步聽樵歌松風響虛籟

支硎寺示靜菴上人

春盡草木長叢竹俱扶疎嘉遊興未愜弭櫂尋精廬偶愛煙
際寺遂卽林中塗日晚粥鼓靜鐘梵流空虛石泉滋芒履幽

鳥鳴堦除緬懷支道林清風動賢愚沃洲與報恩瓶盃隨所
如何年過石室小築營禪居想與王謝輩妙解蒙莊書有時
放孤鶴縹緲西南隅空亭旣蕪沒往蹟成荒墟與君捉麈尾
望古徒煩紆

寒山寺

微雲淡春陰叢薄起清吹細雨未霑衣幽尋得山寺名藍放
梵初鐘聲出林際長松洗孤青修竹落疎翠生平愛佳游頗
識清淨退擬從不二門齋心問妙諦日暮登層樓煙嵐更髣
髴回首眺楓橋漁燈晚迢遞

天平山

昨從東菴來已見山南寺攝衣再登臨水石亦幽異遠峯乘
微清殘照下深翠新篁欲參天解籜紛墮地何處竹鳩啼綠

繞松杉際入暮聞疎鐘芳露霑衣袂

登穹窿山絕頂

六六洞天不數此丹臺何以誇峻嶒茲來絕磴望不極始覺
一氣連青冥憶昔茅君此棲託乘龍上馭傳初成羸秦嘉平
始改臘遂慕遠祖期飛昇太元玉女下指示授以九錫升瑤
京一家兄弟入仙籙句曲勝地留佳名吳中後亦有遺蹟至
今祠廟標朱甍煙霞終古閱巖穴香篆永日飄檐楹層崖肅
穆少人蹟惟聞朝夕鏗華鯨空壇彷彿見神鬼古洞崩濤來
風霆綠文赤字世莫識羣真下讀生光晶清遊更登白馬嶺
下瞰蒼莽雲煙橫七十二峯列几席五湖波浪交迴縈法華
漁洋半隱現爾時意欲無滄溟生平局促在塵海天都地肺
無由登對此良足拓懷抱恍惚身在雲霄行便思舉手招白

鶴東去方丈求仙靈青童真人共遊戲醉聽玉洞吹鸞笙

龍興寺

巍巍化人居穆穆蓮花域傑閣聳層霄飛樓俯廣陌幡幢初
地巖象緯諸天遍香界何森沈緇流來絡繹緬思龍興初青
宮扶社稷夜半隕繁星武韋並誅姦王業實中興乃歸象教
力賜額表禪林往事具簡冊高棟承雕甍附文碣獅象
拱層臺蛇龍走古壁輝煌清河公雄文麗碑刻更有校書郎
銘詞氣旁魄迄今二千載依然見遺蹟法雲擁香林花雨灑
講席因思南北禪故址盡荆棘惟此尚崢嶸蒲牢響朝夕梵
唄仿潮音松杉照秋色俯仰感廢興遙山夕陽碧

楞伽寺晚坐

青山生夕寒餘輝澹蒼浦蘿徑起春飈殘梅滿磻戶遠墟出

疎燈古寺鳴法鼓稍聞斷鴈聲隱隱落前澣不見雲門流晚
煙散平楚

坐小吳軒

綠陰語幽鳥山館晚初晴苔徑少人蹟雲堂遞梵聲篆香風
外度墻影水中橫何處吹長笛微茫月已生

題夏內史

完淳

玉樊堂集

家國淪亡後詞章喪亂餘八哀歌杜甫七日哭包胥字斷疑
科斗文殘恨魯魚賦才追小庾千載共歎歎

事已悲青蓋官猶重紫薇黎侯靡所與郢子又無歸起舞攜
長劍從軍拂短衣飄零蛟客淚點點化珠璣

慷慨籌時略蒼涼絕命詞蠟丸通閒道齏粉恨偏師敏慧前
生業流傳後代悲湘真遺刻在珍重並尊彝

湘真卽陳黃門
所撰內史黃受

業弟

送楊石漁石之安陸

客游已寂寞話別更淒然江遠帆如雪春深艸似煙野花郎
子國新月楚人船計過昭邱路題詩向玉泉

題蘇文忠公書春帖子詞後

聚奎五緯昭人文眉山蘇氏當其倫錢唐召還掌制誥強圉
單闕逢新春蒼龍挂闕農祥正協風已有豐年慶璿宮瑞雪
獨承歡椒寢仙雲凝譽命於時世運轉昇平陰隲全消朝旭
明涼水名臣先入相一時舊德盡充廷惟公榮遇膺書局落
筆風生散珠玉召對承恩先賜緋退歸入夜還攜燭陽回芳
律轉殘冬帖子書成進兩宮龍樓鳳閣春雲麗玉署鑿坡曉
日融一心一德多歡譙高才自足雄三館進御時邀明主知

題詩更得宣仁眷一自明年社飯寒南荒九死歷艱難家鄉
雲樹風濤外宮闕觚稜夢寐間可憐姓氏連鈞黨詞章又見
遭文網玉璫金題幾變更鸞翔鳳翥仍蕭爽撫卷徘徊太息
深汴梁臺殿久銷沈只餘環翠亭中物想見孤臣海外心

題黃尊古鼎小幘

蕭
煙外青簾小舫雨中紅版長橋誰在山樓理詠隔江楓葉蕭

曉坐柳上水亭

遙夜清溪口林端碧漢斜涼波渺風露開遍白蓮花山月墮
深樹湖雲生曉霞滄浪傳逸響煙際有漁槎

水館對雨

黯黯秋陰重霏霏暮雨遲稍增紅藥潤漸覺碧苔滋密響叢

筠得初涼小簟知水亭閑曠望蕭瑟滿方池

松宅塘舟次

十日寒塘雨白蘋花漸稀煙中釣艇過已見水禽飛野店落黃葉山橋通翠微忽聞小海唱清籟滿林霏

簞山啜玉寶泉循雨華洞而下

簞山如散人素尚在真率久辭花藥繁豈厭荆榛密況逢霜信餘落葉滿橫術卽景頗荒寒臨秋倍蕭瑟獨吟梧溪詩緬想思翁筆彌羨筇隱生當年結蓬簞名流偶延佇微步信超逸雨華洞已湮玉寶泉猶溢小試紫茸茶餘聲散愁疾還循冷水灣幽賞興未畢

晚登崑山過泗州增院訪二陸讀書臺

撫序屬蕭森緘情慕婉婉迢迢谷水陽嘯侶恆微眷增院蹟

未湮書臺勝堪玩永懷南國紀

潘尼贈士衡詩穆穆伊人南國之紀

似魏東曹

掾成都誤因依壯武枉論薦遂蒙酪奴議終軫鶴唳歎竭來

奠尊羹蘭植信幽贊

晉書二陸傳贊云蘭植中途必無經時之翠

徘徊弔古餘畢

景下叢灌從知才患多庶幾性能繕

玉屏僧居秋夜

煙鶴語蒼逕秋山風露寒蒼蒼竹林月流影柴門端幽草暗

蛩歇閒堦落葉殘邱中有孤賞玉軫爲誰彈

再過神清之室

谷口起暝色蒼蒼竹徑深松風落寒吹萬壑有清音試問徵

君宅煙霞尚可尋稍看東澗月清影上疎林

宿茗幕菴

名藍自蕭寂況在秋山偏蘿月散清影竹風流暗泉雲堂禪

咀響雪屋佛鐙懸不遇南能侶誰同證梵天

尋西余花影菴追悼明施子野

紹興

東余信邈迤西余復深窈苔磴隱高杉蘆灣背叢篠子野昔
此居遺蹟儼未埽隨宜置軒窗刻意繕林沼愛尋佳士遊兼
集俊人僚遂與清微亭風格鬪分鈔祝花更吟雪清詞比香
草金谷賞不窮玉樓竟先兆襟韻羨幼輿年華等叔寶勝地
今雖蕪芳名遠終紹想當挾飛鸞氣共秋天杳

晚入清河義莊再晤一泉

橫雲遠如雲雲碧閒嵐翠小泊近前灣蘆花起涼吹取逕入
閒園循牆卽初地名僧高坐流豎拂解譚藝墨參花光妙書
懷懷仁意沈水證香聞茗柯獲禪味夕陽忽滿山臥具何由
寄惜別獨歸舟涼霏溼衿袂

落葉

太息深秋景物非
謝家芳樹見應稀
飄零如雨來書牖
斷續隨風下釣磯
波起洞庭人渺渺
歌殘漢殿思依依
故園回首春游處
一路濃陰接翠微

泗濱有懷元孫山人明叔

夙慕停雲子
扁舟逸興多
洞簫今寂寞
映雪復如何
月出見鷗鳥
夜寒聞櫓歌
秋江煙水碧
誰爲理漁蓑

過謝氏山居

紅葉滿林薄
寒山樵徑微
永懷孟處士
獨掩荒園扉
雨雪故人少
桑麻生事稀
願持一瓢酒
歲暮好相依

田家雜詩

茅屋八九間
門前臨江湄
江中饒蒲葦
菱葉何紛披
日中采

菱去濯足臨清漪蒼蒼遠山淨渺渺寒林稀采摘旣已足浩
歌從此歸道逢漁舟來相見情依依謀生雖各異衣食同所
資笑言不覺暝夜火生柴扉

晨起霜氣白寒鵲散前村初陽麗東隅微風扇餘溫層雲冉
冉合朝景忽已昏東家具酒食西舍羅盤飧隔溪召亞旅刈
穫爭紛紜穉子亦奔走負任歸柴門藉以勞筋骨且免風雨
患農事幸稍畢頽然臥前軒比鄰夜相見笑語多餘歡

有孫纔十齡從師入鄉塾清晨抱書去日暮歸來讀秋清燈
火間經聲出茅屋對此發長歎人世多寵辱幸作農家流俯
仰亦已足豈爲富貴謀聊使辨簡牘夜深寒月升流光照喬
木呼孫且出門空場掃餘穀

小圃僅畝許編籬以護之秋風忽淒厲瓜壺各已萎一半築

爲場平坦頗不畎牛羊縱橫臥鳥雀亦分飛餘地久不理蔓
草餘芟其萬物乘時出寒暑率有宜不見嚴霜下萊甲方含
滋園蔬雖云賤佐食恆于斯奈何任荒穢遂使地利遺太息
荷鋤去力作終難辭

雪

竹外蕭蕭響風吹到曲欄紙窗一夜雪草閣不勝寒老鶴鳴
苔徑飛鴻度遠灘江鄉生事好燈火話團圓

送人歸茗溪

忽有故山感逢春返釣磯江梅經雨盡沙鴈入雲飛亂水通
漁汊孤村掩竹扉臨風如見憶莫使尺書稀

雪後懷杉公歸真州

籬落翠禽語杳然谿路幽寒煙生竹屋殘雪滿漁舟楚寺人

方遠吳波晚更愁
早梅入江笛應好寄前游

送性恆上人歸天台

赤城終古削岩巖
杖策重看度石橋
百道飛流懸絕磴
六時清梵出層霄
瓊臺秋散香林雨
華頂雲連碧海潮
欲問法華求止觀
何時信宿共團蕉

李長蘅

流芳

西湖小幀

桃花雨過水連天
十里長堤送柳綿
好是段家橋下路
遊人齊放總宜船

一桁遙山翠色濃
白雲渺渺路重重
斜陽欲落微風起
吹過南屏寺裏鐘

柏堂舊蹟久荒蕪
煙水微茫接裏湖
風外楊花濃似雪
清陰綠遍酒家壚

布穀聲中暮雨餘
溪山樓閣迥清虛
何時小築西泠路
碧樹晴雲好讀書

題沈少卿

宗敬江村圖

結得香茅八九椽
閒將詩卷作因緣
魚租鸛俸分支罷
穩向繩牀跛腳眠

湖田一稜傍平蕪
鹿眼籬笆入畫圖
瘦石疎花藏鵲子
曲屏小檻臥狸奴

題高氏石壁寺鐵彌勒像頌後

墨花秀勁清而腴
問誰作者由名姝
文詞先標林謬譏
題額次紀參軍書
茲寺在晉西山隅
像設久已淪榛蕪
文德過此偶不豫
玉衣旋覆沈疴除
詔令名山悉表剎
遂復金榜昭寶區
燉煌邑宰繼有作
長廊峻殿相縈紆
導師更鑄慈氏像
飛

廉回祿噓洪爐

序云回祿藝雲而噴鍊飛廉噓風而沸液

製成如在兜率院萬人

踊躍天神趨買園施樹昔有記思勒貞碣蟠龜跌鐫華石墨

藉女士渤海高氏名鄉閭妝臺畫靜想下筆形管有煒雲霞

舒開元名人盛執事顏

真卿張少殷元

李邕蘇靈裴

徐浩不

圖閨幃乃擅此應與衛鑠千秋俱廷堅政頌惜遺佚

古今碑

房嶙妻高氏書太谷縣令安得盡攬珣琪玗獨憐嶙也本土

族宰相世系同崔盧奚爲文采罕表見愚菴得不慙金夫摩

挈望古莫深喟聊與繡閣供臨摹

碑載前濮州鄆城縣林諤撰朝議郎太原府司錄參

軍常山蘇侔題額太原府參軍房嶙妻渤海高氏書寺在西

山石壁谷太宗文德皇后過此不豫禮佛而愈更爲修建開

元開邑宰燉煌張某增葺之僧灌潤等又

過吳江

煙村一路鷓鴣啼油菜花殘豆莢齊幾日東風微雨過春燕

綠遍畫橋西

黃茅小屋映桑麻
芳渚迢迢略彳斜
竹外水邊無客到
門前開盡碧桃花

筠溪早放貓頭荀
柳岸初添雉尾蕪
鶯脰湖邊風物好
綠陰深處繫漁舡

枳籬宛轉護柴門
書屋斜臨水竹村
一曲澄湖平似鏡
櫓歌聲裏月黃昏

蘆墟

微雨清宵過村墟
更晏然雞豚依稻廩
鷗鷺上漁船
機響窗中織
炊深竹外煙
此鄉同建德
何羨武林仙

鴛湖道中

綠水泠泠映碧紗
落梅風裏纜輕槎
行人但覺春寒悄
竹外

緗桃已著花

上天竺

移舟泊金沙宿雨欣初霽躡屐遵山程招提露松際先尋繇
經院遂造法喜寺林霏尚杳靄精舍互相次瑞像表瓌材歷
世著靈異幡幢備莊嚴香火集婦稚往往降和甘春秋走羣
吏閱時歷宋元亭軒頗荒廢小坐啜名茶翛然發幽思稍聞
清梵聲隨風出嵐翠

飛來峯

芒屨不知疲賈勇望靈鷲言從印度來此語或非謬天工出
怪奇山骨妙琢鏤大士旣莊嚴應真互輻輳瓊瑤儼飄揚幡
幢見雜糅冰柱挂重崖石髓結淵湑獅王昂厥鼻鬼伯引其
脰栴檀暨曼陀散空莫可究乙乙穿瓏玲紛紛極縐縠閒以

千歲藤輪因絡巖岫由天竺飛至此表浙右兼以唐宋刻
凹凸莓苔厚仰觀兼俯察徘徊逾日晝饑渴乞冷泉聊用資
盥漱

靈隱

寶地聲名著花宮世代遙景因慧理勝詩數駱丞超鐘版雖
閒靜靈山未寂寥天香方丈裏小坐借團蕉時漢月後人住此雍正年間以
其侍天童之教不許開鐘版

林處士祠

在聖因寺後

孤山南麓寺門開巾拂翛然絕點埃身在莊嚴香界裏不須
子鶴又妻梅

春融堂集卷一終